

Na osnovu člana 69. stav (2) tačka e) Zakona o javnim nabavkama („Službeni glasnik BiH”, broj 39/14), Vlada Bosansko-podrinjskog kantona Goražde, na 90. redovnoj sjednici, održanoj dana 27.01.2017.godine, **d o n o s i:**

O D L U K U

o poništenju postupka javne nabavke najpovoljnijeg ponuđača za pružanje usluga cestovnog prijevoza učenika i studenata sa područja Bosansko-podrinjskog kantona Goražde, a po Lotu br.5

Član 1.

Poništava se postupak javne nabavke usluga cestovnog prijevoza učenika i studenata sa područja Bosansko-podrinjskog kantona Goražde, a po Lotu br.5, jer je cijena najpovoljnije prihvatljive ponude, društva „**GORAŽDEPREVOZ**“ d.o.o. **GORAŽDE**, sa Ponudom broj: 07/16 od 16.11.2016.godine i ponudenom cijenom od 123.264,00 KM, bez PDV-a, znatno veća od osiguranih sredstava za predmetnu nabavku.

Član 2.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

O b r a z l o ž e n j e

Predmetni postupak nabavke pokrenut je Odlukom Vlade Bosansko-podrinjskog kantona Goražde o ponovnom pokretanju postupka javnih nabavki, br.03-14-1151/16 od 14.07.2016.godine i br.03-14-1469/16 od 09.09.2016.godine.

Procijenjena vrijednost nabavke iznosila je 74.700,00 KM.

Javna nabavka provedena je putem otvorenog postupka.

Obavještenje o nabavci, br.978-1-2-7-3-18/16 poslano je na objavu dana 07.10.2016.godine, te je istog dana i objavljeno na Portalu javnih nabavki.

Sažetak Obavještenja o nabavci objavljen je u „Službenom glasniku BiH“, br.77/16 od 14.10.2016.godine.

Komisija za provođenje postupka zajedničke javne nabavke u Bosansko-podrinjskog kantonu Goražde, imenovana Rješenjem br.03-14-90/15 od 22.01.2015.godine, (u nastavku: Komisija) je u svom Izvještaju o radu, br.03-14-1151-81/16 od 05.12.2016.godine i Zapisniku o pregledu i ocjeni ponuda, br.03-14-1151-79/16 od 30.11.2016.godine, iznijela činjenice na osnovu kojih je ovaj ugovorni organ zaključio da predmetni postupak treba otkazati, a zbog toga što je vrijednost najpovoljnije prihvatljive ponude u iznosu od 123.264,00 KM znatno premašila procijenjenu vrijednost predmetne nabavke u iznosu od 74.700,00 KM.

Komisija je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su zaprimljene/pristigle ukupno 3 /tri/ ponude;
- da su ponude ponuđača „**GORAŽDEPREVOZ**“ d.o.o. **GORAŽDE**, „**ŽIVOJEVIĆ-BUS**“ d.o.o. **GORAŽDE** i „**DRINA-BUS**“ d.o.o. **USTIKOLINA** prihvatljive;

Ostali ponuđači, čije su ponude prihvatljive, ponudili su sljedeće cijene:

- a) „**ŽIVOJEVIĆ-BUS**“ d.o.o. **GORAŽDE**, 180.900,00 KM;

b) „DRINA-BUS“ d.o.o. USTIKOLINA, 149.040,00 KM.

U postupku po zaprimanju Izvještaja o radu nesumnjivo je utvrđeno da su cijene svih prihvatljivih ponuda znatno veće od osiguranih sredstava za predmetnu nabavku.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

**V L A D A
BOSANSKO-PODRINJSKOG
KANTONA GORAŽDE**

*Broj: 03 – 14 – 57 / 17
27.01.2017.godine
G o r a ž d e*

P R E M I J E R

Emir Oković